

“Gueklwgmbwk” Sihlinz: Fungsug Aeugwiz

□ Maj Veiungz comz hoiz



▲ Baijyienj funksug aeugwiz yizsiz.

Youq Mbanjcuengh Sihlinz Yen rangh Dahdozniengz duenhgwnz, miz cungj funksug doxaeu daegbied ndeu, lwgsau daengz nienzgeij haq le, cix mbouj dwg haq okbae, cix dwg aeu gwiz hwnj coemq, cungj doxaeu daegbied heuhguh “aeugwiz” neix daj ciuhgeq couh riuzeienz daengz seizneix, caiqlij raen miz lai, hwng raeuh. Vaenlaex dwg baih ranz bouxmbwk guh, mbouj sou ngaenzlaex caeuq doxgaiq.

Fungsug aeugwiz gaenq miz 2000 lai bi lizsij, haq lwgmbauq baenz funksug aeugwiz ndawde aen gingj gig saenzmaed yinxvunz ndeu, ndaej vunzraeuz naeuz dwg “gueklwgmbwk henz Dahdozniengz”, dwg Sihlinz cungj funksug doxaeu daegbied gag miz, yinxdaeuz lai raeuh, heuhcomz hoenghhwd ndeu. Aeugwiz cawjdaeuz dwg lwgsau yaekaeu, lwgsau cawjdoengh genj bouxgvan bonjfaenh habhoz haenx. Youq ngoenzndei aeugwiz, hozdung yienhciengz lai yiengh ndeiyawj, miz laengzhaq, doiqfwen, ciengj haeuxnaengj, gingqlaeuj, rap raemx haeuj ranz, bawxmoq aemq gwizmoq haeuj rugmoq daengj, ndawde cei q yinxvunz dwg laengzhaq, mehmoiz

caeuq bawxmoq daiq aendoih ciepcan bae daengz ranz lwgmbauq, hoeng yaek haeuj bakdou cix mbouj yungzheih, bakdou miz faexsax caeuq caencik baengzyoux lwgmbauq laengz dwk, baih lwgsau itdingh aeu ginggvaq haujlai cungj gaujniemh cij ndaej haeuj dou couxcaen, lumjbaenz bawxmoq yaek ndoet sam duix laeujhaeux, baih lwgmbwk yaek caiduenz caeuq doiqfwen ndaej hingz daengj. Caiqlij gwizmoq bae daengz ranz lwgmbwk, caemh aeu ciepsouh gaujniemh, gwizmoq yaek rap rap raemx ndeu bae daengz henz gangraemx ranz lwgmbwk, yiengh byaij roen aeu habngamj iugouz, aeu cigsoh rap daengz ranz lwgmbwk cij ndaej. Gijneix dwg niemh ndangrenz gwizmoq, danghnaeuz raemx mbouj sinz okdaeuj geijlai, gangmingz gwizmoq ndang rengz. Bouhloh aeugwiz caeuq bingzciengz aebawx doxdoengz, cungj aeu ginggvaq camcaen, dinghaen, hab betcih, couxcaen daengj. Riengzdwk gaijgwz hailangh, guhfap doxaeu vunzlai caemh miz bienqvaq lo, aeugwiz caeuq aebawx bouhloh caeuq baizciengz cungj gemjnoix bae haujlai.

Cungj doxaeu neix caeuq gij funksug hwnj-

coemq diegwng guek raeuz mbouj doxdoengz, funksug aeugwiz ndawde, bouxsai “haq” haeuj ranz lwgmbwk haenx, bohme dem banlaux doiq de caeuq lwg bonjfaenh doxdoengz, mboujlwnh youq ndawranz roxnaeuz gwnzbiengz, vunzraeuz doengz-yiengh aeueiq gyoengqde, caeuq bouxsai ndaw mbanj ndaw coengcug miz diegvih doxdoengz. Haujlai lwgmbauq diegwng doiq funksug aeugwiz gig haenggyaez, miz lwgmbauq Gveicouh, Yinznanz daengj dieg haenx cix angq “haq” bae Sihlinz. Youq Nazlaur Yangh, miz bouxgwiz daegbied ndeu heuhguh Cungz Yenz, de dwg daj Hah’ wjbinh daeuj. Cibgeij bi gaxgonq, de caeuq dahsau Mbanjnazlaiz Liz Veiungz roxnaj doxgyaez, doeklaeng deng gij swyenz vanzging gyaundeiz Nazlaur caeuq gij dahsau saundeiz gizhaenx “loxyaeuh”, hixnaengz “haq” bae Mbanjnazlaiz. Youq Mbanjnazlaiz aen mbanj miz 45 ranz vunz neix, gij bouxsai lumj Cungz Yenz baenzneix “haq” bae haenx couh miz 27 boux.

Fungsug aeugwiz youq bi 2012 ndaej lied haeuj swcigih buek daihseiq feihyiz henho mingzloeg. Aen yienh neix ingbaengh gij ranzgaeuq hakdoj Cinzsi, gij gingisack gyaundeiz yinxvunz Dahdozniengz, funksug aeugwiz Mbanjnazlaiz, haengqrenz hwngfat hongsaeh cwxcaih youzcet lajmbanj, yinx haujlai hekyouz bae yawjngonz, baenz diemjrongh vunzmbanj demlai souhaeuj ndeu.



▲ Bawxmoq aemq gwizmoq haeuj rugmoq.



▲ Gwizmoq rap raemx bae ranz bawxmoq.

◀ Aendoih couxcaen ranz bawxmoq raezrangrang.



▲ Caencik baengzyoux ciengj haeuxnaengj.